

ST-VINCENT

Dé ioù qu'i sor lo non Vatican?

Eun có, i vièi tèn, lo Vatican y ére lo non d'eun cretsòn dé Roma; i ché trovae a l'adret dou *Tevere*, fran dévàn lo Tsan dé Mars é a dretta dou *Gianicolo*.

Y ére eun cantòn maasàn é umido; y ae dé vacòlo qu'y impiéaon mae pé alé lerdzi lé béquionaye.

Eun dzor *Agrippina* y at tuta-che outor é y at deu-che: pérquè pa impièi lo prumì rontset dou tsanté pé ieu fare eun bé djardén?

Quécca dé tèn apré l'ampéreur *Nerone* i ch'é fèi bâti eun piquiout sirque mae pé loueu mémo. Poué y é lai qué lé prumì créquèn son ità martirizà (permì iour ncó l'apotre Piére, qu'y an-poue inté-rà bèle lai).

Peu tar lo cretsòn y é poué vigni eun simitire, tan pé lé payèn qué pé lé créquèn, tanque can Constantèn, trémi lo 326 é lo 333 apré Jèzù Cri, y at dounà l'ordre dé apiati lo sondzón dé la crétsonà é dé bâti-ye la prumire bazeleuca dédiaye a Sèn Piére.

Y é mae dé l'an 1870 qué lo Vatican y é vignù la rézidanse dou Sèn Pare; fat deure qué ou Moayèn Adzo lé Sèn Pare itaon ou palas dou Latrà, apré y an dépiasi-che a d'atre palas dé Roma comèn ou *Quirinale*, qué ou dzor dé ouèi y et la rézidanse dou prézidàn dé la répeblécca italièna.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Préi de :

*Conte pe le petchoù de inque - Contes pour les enfants d'ici
Tome II, Histoires d'animaux*
Rita Decime, Musumeci Editeur, Quart (Ao) 1984

Texte publié en 2008 sur «Jeux d'eau»
Collaborateur de Saint Vincent pour la traduction: **Paola Seris**
La transcription a été soignée par le Guichet Linguistique